



الصَّلَاةُ وَالسَّلَامُ عَلَيْكَ يَا رَسُولَ اللَّهِ
 الصَّلَاةُ وَالسَّلَامُ عَلَيْكَ يَا حَبِيبَ اللَّهِ

کرم لچیل داہے

سرائیکی نعتیہ مجموعہ



شاعر: شاہ زیب گلشن

قبر دے فرشتے تاں اونکوں ہتھ تک وی نہ لیسن
 وچ
 حیاتی ساری وچ جو وی دیوانہ مصطفیٰ ﷺ دا ہے

کرم لجیال صلی اللہ علیہ وسلم دا ہے

(شاعر)

شاہ زیب گلشن

03356801636



جھوک پبلشرز دولت گیٹ ملتان

061-4511568-0308-7385765

2024ء

جملہ حقوق بحق ناشر محفوظ ہن

| | | |
|--|---|-------------|
| کریم لچبال <small>رحمۃ اللہ علیہ</small> دا ہے | : | ناں کتاب |
| شاہ زیب گلشن | : | شاعر |
| ارسلان جاوید مغل | : | کمپوزنگ |
| طاہر دھریجہ | : | ٹائٹل |
| فروری 2024 | : | تاریخ اشاعت |
| جھوک پبلشرز، ملتان | : | چھاپہ خانہ |
| 50 روپے | : | قیمت |

کتاب ملین دے پتے

☆ الہی بخش بک سیلر سکول بازار رحیم یار خان ☆ المدینہ بک سنٹر نزد اے سی کورٹ علی پور ☆ چنگوہانی نیوز ایجنسی
ہیڈ یکانی شریف ☆ عاشق کتاب گھر چوک گھنٹہ گھر لیاقت پور ☆ الحمید پوسٹر ہاؤس لاری اڈا سبزی منڈی روڈ
بہاول پور ☆ سٹریٹ لائٹنگ بک ڈپونر پور نورنگا (چکر) ☆ گبول بک ڈپو بھونگ شریف ☆ الغفار بک سیلز چوک منیر
شہید احمد پور شرقیہ ☆ ماجد اولڈ بک سیلر اندرون بوہڑ گیٹ نزد پمپل والی مسجد ملتان ☆ شیخ محمد حسین بک سیلر فوارہ
چوک جھنگ صدر ☆ سٹی کتب خانہ اینڈ سپورٹس کارنر اندرون شی پلازہ جام پور ☆ نیوز شاہد کتاب گھر حاجی پور
روڈ فاضل پور ☆ مشتاق بک ڈپو اندرون تحصیل بازار نزد تھانہ سٹی احمد پور شرقیہ ☆ ناصر بھٹی کتاب گھر محلہ
پٹھانانوالہ نور پور تھل ☆ رفیق خان پوسٹر ہاؤس چوک بخاری کھروڑ پکا ☆ اسمیل جنرل سٹور خان گڑھ ڈومہ ☆
ملک کتاب گھر تھانہ چوک شجاع آباد ☆ اظہر کتب خانہ نوری جامع مسجد شجاع آباد۔

انتساب

میڈے ڈاڈا سنیں

حاجی رحیم بخش خان گبول [مرحوم]

دے ناں

اللہ پاک میڈے ڈاڈا سنیں دے درجات بلند کرے

آمین

جان سُنجانِٹ

| | | |
|---|---|-------------|
| شاہ زیب علی | : | ناں |
| گلشن | : | تخلص |
| محمد عبداللہ گبول | : | ولدیت |
| گبول | : | ذات |
| بی ایس انگلش | : | تعلیم |
| نقابت | : | پیشہ |
| سئیں جام نذر حسین بے زور | : | استاد شاعری |
| 2015ء | : | آغاز شاعری |
| مٹھامدنی <small>رحمۃ اللہ علیہ</small> ، ذکر مصطفیٰ <small>صلی اللہ علیہ وسلم</small> | : | تصنیف |
| نبی <small>صلی اللہ علیہ وسلم</small> داسہارا، کرم بچال <small>رحمۃ اللہ علیہ</small> دا ہے | : | |
| عمید گاہ کالونی راجن پور | : | جاہ نکانہ |
| 0335-6801636 | : | رابطہ نمبر |

عاشق رسول ﷺ شاعر

قدرت دیں عطا کیتیں ہوئیں بے شمار نعمتیں وچوں شعور سب توں وڈی نعمت ہے تے شعوری کتھا دا مین کردار اوند ا فن ہوندے فن شعور توں شہرت دے سلیقے سکھدے فن دیں بے شمار قسمیں وچوں شاعری ا تم شعوری حصہ رکھیندی ہے شاعر جیوہا جو فطرت دا عکاس تے معاشرے دی اکھ ہوندے بلکہ تاریخی حوالے نال وقت دیں نبضیں دا شناور ہوندے شاعر ہر زبان قوم قبیلے تے علاقیں وچ ہر دور وچ پیدا تھن اپٹے حصے دا کم کر کے ادب دی واگ اگلے زمانے کوں ڈے کے ٹرویندن آج دے دور وچ جڈاں جو خاص کر سرائیکی ادب ترقی پیا کریندے چند بزرگ شعراء دے سوا باقی نو جوان ہن جہاں سرائیکی ادب دیں مستک تے نصیبیں دا سندور لاتے انہاں نو جوان شعراء وچوں ہک ناں شاہ زیب گلشن جہاں دا تعلق راجن پور دی دھرتی نال ہے گبول قبیلے نال تعلق رکھن والا بلوچ شاہ زیب گلشن سیں اعلیٰ تعلیم یافتہ تے سنجیدہ بااخلاق نو جوان ہے ایس نے 2015 توں قلم دے سانجھ پکڑی ہے تے سیں شاہ زیب گلشن چار نعتیہ کتابچے چھپوا چکیے۔ جگ مشہور شاعر کمال انسان سیں جام نذر حسین بے زور دا شاگرد ہے۔ خاص کر مذہبی شاعری یا نعتیہ شاعری میڈی سمجھ مطابق ہک مشکل ترین کم ہے بلکہ تلوار تے ٹرن والی گالھ ہے ایس نو جوان نعتیہ شاعری کرتے سرکار نال حقی محبت دا ثبوت ڈتے تے نال ہک چنگے تے اعلیٰ انسان ہووٹا دا۔

باقی گلشن سیں دا چوتھا نعتیہ کتابچہ ”کرم لچپال ﷺ دا ہے“ تہا ڈے ہتھ اچ ہے پڑھ کے فیصلہ خود کریسو۔ شاہ زیب گلشن ایس بابرکت کتابچے وچ میڈا حصہ رلا کے میکوں اعزاز ڈتے اللہ پاک زور قلم بیا عطاء کر لیس۔ آمین!

شباب بلوچ

23-01-2024

نعت شریف

اعلیٰ سب توں ذات ہے سرکار ﷺ دی
اے ساری کائنات ہے سرکار ﷺ دی

بجھ کوں موڑے تے تر وڑے چندر کوں
ڈینھ وی ہے تے رات سرکار ﷺ دی

اونی پنہاں جگ دے کہیں وی شاہ کنوں
جیسی پنی خیرات ہے سرکار ﷺ دی

پڑھ جتھوں رحمان دے قرآن کوں
شان ہر آیات ہے سرکار ﷺ دی

اونہ گلشن سڑے دوزخ دے اندر
جو سُنیدا نعت ہے سرکار ﷺ دی

نعت شریف

مدینے دیاں پُر کیف ہن بہاراں
 کرم تھیوے طیبہ حیاتی گزاراں
 جتھاں کر لگے مصطفیٰ ﷺ دے قدم ہن
 جتھاں دور دلڑیں کنوں تھیندے غم ہن
 مدینے دیاں بگلیاں کیویں میں وِساراں

کرم دی جتھوں سارے سوغات گھندن
 بشر وی تمامی آ خیرات گھندن
 صبح شام قدسی وی آندن ہزاراں

مدینے دے سوہنے نگر جیلے آوے
 ادب نال روح الامین پیر پاوے
 تے میں جان اپنی مدینے تو واراں

زمانے دے سوہنے خدا دے جہن کوں
 کراں روز عرضاں مدینے دے چن کوں
 کڈاہیں تاں مکسن میڈیاں انتظاراں

میڈے تے وی راضی جو تھیں حضور اے
 کرم تھیوٹاں ول میڈے تے ضرور اے
 میں گلشن مدینہ مدینہ پکاراں

نعت شریف

کرم دی کر نگاہ سوہٹا تیڈے روضے تے آواں میں
تیڈے روضے دی چالی کوں چماں ہاں نال لاواں میں

تیڈے در دی مٹی دے وچ شفاواں وی شفاواں ہن
ایں سوہنی پاک مٹی کوں چماں سرمہ بٹاواں میں

تیڈے در تے لکھاں قدسی پڑھن آ روز صلوتاں
میڈے دل دی اے حسرت ہے تیڈیاں نعتاں سناواں میں

میڈے دل دی اے خواہش ہے مدینے دیاں گلیاں ہوون
انہاں عظمت بھریاں گلیاں تے آپکاں وچھاواں میں

محمد مصطفیٰ سیں آل کرم تھیوے ہا گلشن تے
سڈا سوہٹا توں روضے تے تیکوں رو رو مناواں میں



نعت شریف

نبیاں دے سردار دی آمد آمد ہے
مالک تے مختیار دی آمد آمد ہے

پاک نبی ﷺ دی آمد تے رب عرش سجائے
پہلے رب سکین یار دا آپ میلاد منائے
رب سوہنے دے یار دی آمد آمد ہے

رب دے یار دا اصلوں کوئی سایہ نہیں
ایندے وانگوں دنیا تے کوئی آیا نہیں
من مٹھڑے منٹھار دی آمد آمد ہے

آقا سوہٹا سب توں سوہٹا آیا ہے
رب سوہنے نے اپٹا یار بٹایا ہے
عربی سکین سرکار دی آمد آمد ہے

آج تاں گلشن حوراں عرشوں آندیاں پن
عربی سکین دے سہرے رل تے گاندیاں پن
واہ سوہنی سوار دی آمد آمد ہے

نعت شریف

ہے اعلیٰ سب توں شان مدینے والے دا

اے سارا ہے جہان مدینے والے دا

پاک نبیؐ دی اعلیٰ ذات اے

رکھدا رب سبیں ایندی تات اے

ہے عاشق رب رحمان مدینے والے دا

آقاؐ سوہٹا بے مثال اے

وکھری جگ توں سبیں دی آل اے

فرمیندا ہے قرآن مدینے والے دا

آقاؐ سوہٹا سب کوں ڈیندے

گلشن سبیں دی نعت لکھیندے

ہے گلشن تے احسان مدینے والے دا



نعت شریف

لح پرور لہچپال محمد ﷺ عربی سئیں

رکھدن ہر دی بھال محمد ﷺ عربی سئیں

کل کائنات کوں واللہ رزق وڈیندا پئے

تیڈا دَر دَر سال محمد ﷺ عربی سئیں

لگھاں یوسف جئیں دا دل موہ گھندے

تیڈا حسن جمال محمد ﷺ عربی سئیں

جو وی منگے جھولیاں بھر بھر ڈیندے ہن

کر ڈیندن خوشحال محمد ﷺ عربی سئیں

تھی گئی اے قربان جیڑھی اسلام کیتے

تیڈی افضل آل محمد ﷺ عربی سئیں

تیڈا اسم گرامی مشکل ٹال ڈیندے
میڈے وی غم ٹال محمد ﷺ عربی سیں

مرسل تیڈے شان توں شانناں پاگئے ہن
تیڈا شان کمال محمد ﷺ عربی سیں

ڈینھ محشر دا ساکوں گلشن ڈر کینتی
ہوسن جیلے نال محمد ﷺ عربی سیں

قطعہ

در مدنی دے آتے ڈیکھو
دامن کوں پھیلاتے ڈیکھو
جناں گلشن آپے ملسن
سیں توں جان لٹاتے ڈیکھو

نعت شریف

جہاں سارے کنوں اعلیٰ گھرانہ مصطفیٰؐ دا ہے
قسم رب دی اے تاں سارا زمانہ مصطفیٰؐ دا ہے

جتھوں دشمن وی آتے جھولیاں بھر بھرتے ویندن ہن
اے دنیا دی تاں سب شاہی خزانہ مصطفیٰؐ دا ہے

اتھاں کر جووی آوے تاں قسم رب دی خداملدے
جہاں دے وچ تاں ایجھا آستانہ مصطفیٰؐ دا ہے

قبر دے وچ فرشتے تاں اونکوں ہتھ تک وی نہ لیسن
حیاتی ساری وچ جو وی دیوانہ مصطفیٰؐ دا ہے

فجرتوں لاتے سمدیں تیں ایہو بس کم کروں گلشن
اساڈے تاں لبیں تے بس ترانہ مصطفیٰؐ دا ہے



نعت شریف

کرم تھیوے آقا گنہگار ہاں میں
تساڈے کرم دا طلبگار ہاں میں

حیاتی میں ساری ایویں گال چھوڑی
گناہ ہن زیادہ سیں نیکی ہے تھوڑی
بھلیکے دے وچ ہم خطا کار ہاں میں

عمالیں کوں تولو نہ عیبیں کوں پھولو
ہاں امتی تساڈا نہ امتی کوں رولو
گنہگار ہاں میں سیاہ کار ہاں میں

قیامت دے ڈینھ کوں کرم ہک کریجو
میں گلشن کوں کملی دے وچ چا لگیجو
گناہیں کنوں سیں شرمسار ہاں میں

نعت شریف

نبی ﷺ کے در کے ٹکڑوں پر سدا ہم لوگ پلتے ہیں
ہنسیں جو مصطفیٰ ﷺ پیارے خزاں میں پھول کھلتے ہیں

کہا رب نے میں بھیجوں گا اپنی لوگو جنت میں
مرے محبوب کے در پر جو تن من وار دیتے ہیں

وہ کافر ہے نہ جو مانے مرے آقا محمد ﷺ کو
نبی ﷺ کے سامنے آ کر پتھر بھی بول پڑتے ہیں

یہ جو سورج منور ہے قمر بھی جس سے ہے روشن
نبی ﷺ کے نور کے صدقے ستارے بھی چمکتے ہیں

محمد ﷺ مصطفیٰ جیسا نہیں ہو گا نہ ہے گلشن
نبی ﷺ سارے چسے جھک کر سلامی پیش کرتے ہیں

نعت شریف

خدا سوہٹے محمد ﷺ کوں وڈا سوہٹا بٹایا ہے
سبھے نبیاں کنوں سیں دا خدا رتبه ودھایا ہے

اے دنیا دے نظارے ہن فلک تے جو ستارے ہن
میڈے رب نے جہن کیتے ایں دھرتی کوں سجایا ہے

مٹھا مدنی ﷺ سبھو کیتے جو بن تے آگئے رحمت
توٹیں ہرٹی جو ہئی اونکوں نبی ﷺ سیں نے چھڑایا ہے

جسم سیں دے کنوں نکھتا پسینہ وی معطر ہے
جہاں دے وچ نبی ﷺ سیں دانہ ثانی ہے نہ سایہ ہے

حیاتی ساری وچ گلشن فقط ایں گالھ تے ماٹا اے
جو ساری زندگی سیں دا اساں سہرہ سٹایا ہے

نعت شریف

جہان اِج کل نبیاں دا جو اَہ سردار آندا پئے
سبھے روندئیں ہوئیں چہرے تے اَہ مسکار آندا پئے

ایندے درتوں کوئی خالی سوالی نہیں ولیا اَہ تئیں
خدا سئیں دے خزانے دا قلی مختیار آندا پئے

ملن دی رات عرشیں تے حکم فرمایا رب نے ہا
سبھے قدسی جھکاؤ سرکوں میڈا دلدار آندا پئے

غریبیں دا اے مولا ہے ، یتیمیں دا اے والی ہے
زمانے تے سہارا بن مٹھل منٹھار آندا پئے

سجا گلشن توں دل اپٹا مٹھے مدنی ﷺ دی آمد تے
وچھا پلکاں توں راہواں تے سوہنی سرکار آندا پئے

نعت شریف

آگئے ہن سرکار حضورؐ دا جشن مناواں
مدنی ﷺ سکین منٹھار حضورؐ دا جشن مناواں

رحمت رب دی وسے شام سویر اتھاں
رب سکین دے دلدار حضورؐ دا جشن مناواں

ڈینھ محشر دے رب سکین جنت ڈے ڈیے
امت دے غمخار حضورؐ دا جشن مناواں

جیندے درتوں شاہ وی ان تے پندے ہن
ڈو جگ دے سردار حضورؐ دا جشن مناواں

جتنا ڈکھ ہن گلشن سارے مک وین
گج کے نعرہ مار حضورؐ دا جشن مناواں

نعت شریف

آیا آمنہؓ سین دا جایا تے جگ وچ دُھماں پئے گیاں
ہے حوراں سہرا ءِ گایا تے جگ وچ دُھماں پئے گیاں

مٹھا مدنیؓ سب توں خوب بیٹے
اے رب سیں دا محبوب بیٹے
ایندے وانگ نہ کوئی آیا تے جگ وچ دُھماں پئے گیاں

میڈا پاک نبیؐ سیں عرش تے گئے
اے سوہنے رب کوں مل تے آئے
رب اپنے کول سڈایا تے جگ وچ دُھماں پئے گیاں

محبوب اے رب دا پیارا ہے
بے وارثیں دا اے سہارا ہے
آقلموﷺ ہر نی کوں چھڑوایا تے جگ وچ دُھماں پئے گیاں

نعت شریف

ساکوں سوہٹا دید کراؤ ہا

ساڈیاں جھوکاں آن وساؤ ہا

اساں روندوں ہجر دے سانگے

ساکوں ہر دم تیڈی تانگے

ہا ایہا سوہٹا تانگ مکاؤ ہا

ساڈے دل وچ تیڈی تات اے

تیں تے عاشق رب دی ذات اے

ہا ساکوں رُخ مہتاب ڈیکھاؤ ہا

توٹیں جتنا سیں گنہگاریں

تیڈی ذات دے پر حیداریں

ہا اساں مندیاں نال نبھاؤ ہا

ساکوں عشق تیڈے دی مرض اے

ایہا گلشن دی سوہٹا عرض اے

ہا ساکوں گل نال سوہٹا لاؤ

نعت شریف

میگوں سوہٹاتوں روضہ ڈیکھا ایویں سِکدیں نہ میں مروںجاں
 میڈا مالک چا کرم کما ایویں سِکدیں نہ میں مروںجاں
 تیڈے روضے دے سوہٹے نظارے
 خد ڈیندو چا سب کوں سہارے
 میگوں روضے تے توں ہن سڈا ایوں سِکدیں نہ مروںجاں
 دل رو رو ڈیوے کیگوں دھائیں
 میگوں سوہٹا سڈا ہن اڈائیں
 ایہا دل دی توں آس پچا ایویں سِکدیں نہ میں مروںجاں
 تیڈے راہ تے سوہٹا میڈیاں دیداں
 توں سڈیسیں تھیں منیڈیاں عیداں
 میگوں دیدار اپٹا کرا ایویں سِکدیں نہ میں مروںجاں
 حاجی ڈینھ رات زم زم پے پیندن
 ڈیکھ روضے کوں سیں آل پے جیندن
 جالی گلشن کوں سوہٹی چما ایویں سِکدیں نہ میں مروںجاں

نعت شریف

اساں تیڈے دردی سبک رکھندوں ہک واری آؤں تیڈے روضے تے
 تیڈی مونجھ توں جگر نکلا داء آجگر ڈیکھاؤں تیڈے روضے تے
 تیڈے روضے تے اساں آؤں سوہٹا

اساں دل دا حال سناؤں سوہٹا

جیڑھے زخم ہن ساڈے سینے وچ آ زخم سکاؤں تیڈے روضے تے
 تیڈے روضے تے ساڈی دید ہو سی

ساڈی اوں ویلھے سوہٹا عید ہو سی

وس پوسوں وسدے لوکیں وچ آسیت جگاؤں تیڈے روضے تے
 ڈینداں واسطہ شاہ مردان دا ہاں

صدیق " عمر " عثمان " دا ہاں

تیڈے دریاں جگ وچ دھماں ہن آدیداں لاؤں تیڈے روضے تے
 ہر ویلے تیڈا وسواس اے

ساڈے دل دی سوہٹا اے آس اے

جیڑھی لکھدے گلشن روز تیڈی آنعت سٹاؤں تیڈے روضے تے

نعت شریف

کرم دی ہک نظر تھیوے میں بدکاراں گنہگاراں
تیڈی رحمت دا میں مولا طلبگاراں گنہگاراں

حیاتی ساری میں ایویں لنگاہ چھوڑی ونجاں چھوڑی
میں غفلت وچ ودا رہ گیاں خطاکاراں گنہگاراں

فرشتے لکھ گناہ میڈے پناہ منگدن گناہیں توں
میں سرتوں لاتے پیریں تیں گنہگاراں گنہگاراں

میڈے اعمال نامے وچ کوئی ہک وی چنگائی کائی
تیڈی مخلوق توں ودھ کے سیاہکاراں گنہگاراں

حشر دے ڈیخھ کوں جسیں ویلھے سھے لوکی جمع ہوس
بھرم رکھ چھوڑیں گلشن دا شرمساراں گنہگاراں

نعت شریف

ساڈے نبیؐ دا رتہ رب ہے وڈا ودھایا

مدنی مٹھل دے وانگوں دنیا تے کئی نہیں آیا

یوسفؑ کوں مصر میں انگلیں صرف کٹیاں ہن

ڈھدے جے مصطفیٰؐ کوں سر ہوندا چا کٹایا

منکر نبیؐ دا سُن گھن میڈا تیکوں ہے چیلنج

ثانی کوں چھوڑ پہلے مدنیؐ دا گول سایہ

دنیا تے پہہ حشر دا سب حال ڈیندے پٹھن

سب ہے عطاء خدا دی اُمی لقب ہے پایا

ہُن کئی نبیؐ جے آوے جھوٹا کذاب ہو سے

مَا كَانَا لِي آيْتِ پڑھ رب نے ہے ڈسایا

موسیٰؑ نہی ہا توٹیں رب کوں نہیں ڈیکھ سکپیا

ساڈے نبیؐ کوں گلشن معراج رب کرایا



نعت شریف

کرم تھیسے مدینے پاک ویساں
 مٹھے مدنی ﷺ کوں دل دا حال ڈیساں
 مواجہ پاک دا دیدار کرنے
 ایں دامن کوں وی رحمت نال بھرنے
 تے چم جالی کو سینے نال لیساں
 اے زم زم تاں بیماریاں لئی دوا ہے
 مدینے دی مٹی دے وچ شفاء ہے
 ایں سوہٹی خاک دا سرمہ بٹیاں
 نبی دے گھر دیاں سوہٹیاں پگلیاں ہن
 جتھاں کر سیں دیاں لکپیاں تلیاں ہن
 انہاں پگلیاں کوں میں رَج رَج تے چمساں
 جتھاں قدسی ہزاراں روز آندن
 صبح شامی ترانے سیں دے گاندن
 میں گلشن سیں دیاں نعتاں سنیساں

نعت شریف

نبی ﷺ سکیں دے روضے دے سوہنے نظارے

خدا خُد پیا ڈیندے قران اچ اشارے

نبی سکیں دے دردی اے سوہنی گلی اے

صدیق و عمر نے وی چوکھٹ ملی اے

اُتھاں وِج کے ڈیکھوں صحابہ پیارے

نبی سکیں اساڈا ہے ڈو جگ دا والی

سوالی نہیں ولدا اُتھاں وِج کے خالی

خدا سکیں محمدؐ توں ہر شے پیا وارے

قمر کون تر وڑے لتھے سجھ کون موڑے

اے کر کے اشارے وٹیں کون چاٹورے

خدا دے جھن کون سبھو اختیار اے

فرشتے نبی ﷺ سکیں دا ورد کریندن

صبح شامی سکیں تے درود بھجیندن

اے گلشن وی ہر دم محمدؐ پکارے

نعت شریف

یا رسول اللہ ﷺ کرم دی کر نگاہ
میکوں اپنے روضے تے سوہٹا سڈا

جتھ صدیق اکبر تے سوہٹا ہے عمر
آڈیکھاں میں برکتاں والی او جاہ

تھی گیا بیمار ہاں سین تا نگھ وچ
چُھساں جالی کوں میکوں ملے شفاء

نہ ملے جنت میکوں کئی گالھ نہیں
زندگی وچ ہک دفعہ روضہ ڈیکھا

دل دی سک اے ڈیکھاں جیلے روضے کوں
مک ونچے گلشن چھیں میڈا اے ساہ

نعت شریف

اساڈا سہارا مٹھا مصطفیٰ ﷺ ہے

خدا دا دلارا مٹھا مصطفیٰ ﷺ ہے

نبی مسئیں کوں یوسف ڈٹھے تے اے آکھیں

ہے ودھ سب توں پیارا مٹھا مصطفیٰ ﷺ ہے

فلک تے چمکدا کھڑا جیرہا رہ گئے

او قطبی ستارا مٹھا مصطفیٰ ﷺ ہے

اینڈے ناں دے صدقے تھئی آدم دی معافی

نبیں دا نعرہ مٹھا مصطفیٰ ﷺ ہے

ساکوں لوڑھ کینی ایس دنیا دی گلشن

ساڈا کل اثاثہ مٹھا مصطفیٰ ﷺ ہے

نعت شریف

سرکارِ دی ﷺ آمد ہے گھرِ خوب سجایا ہے
 تہوں عاشقاں نے رُل مل میلاد منایا ہے
 محبوبِ خدا دا ہے ساڈے دل دا جانی ہے
 کل دھرتی دے والی دا سایہ ہے نہ ثانی ہے
 بے مثلِ خدا اینکوں بے مثلِ بٹایا ہے
 طحہ دی پیشانی ہے والشمس دا چہرہ ہے
 وللیل دیاں زلفاں یسین دا سہرہ ہے
 پا تاجِ نبوت دا سئیں خوب چھکایا ہے
 لچپال دی آمد تے سب کفر فنا تھی گئے
 ڈو جگ دی بن رحمت سئیں آپ جہان تے آئے
 توٹیں ہرٹی ہی اوںکوں سئیں آپ چھڑایا ہے
 ڈیکھیں توں حشر دے ڈینھ ر ب شان ودھا ڈیے
 گلشن دا عقیدہ ہے کر جنت عطا ڈیے
 اساں پاک محمد ﷺ دا سہرہ جو سُٹایا ہے



(شانِ مولا علیؑ)

جیندے تابعِ خدا دی کلِ خدائی اے
 علیؑ الرضیٰ شیرِ جلیؑ اے

علیؑ سیں دی سخاوت بے بہا اے
 علیؑ منگتے کوں ڈیندا وی رجا اے
 جنہیں ان تے اتھاں جھولی جھلی اے
 علیؑ دے ناں دی جو گانی بدھیندے
 حلالی زادہ سیں دے نعرے لیندے
 نبی ﷺ سیں گالھ اے واضح ڈسائی اے
 ہے کعبے وچ علیؑ سیں دی ولادت
 تے مسجد وچ علیؑ سیں دی شہادت
 سہو جگ توں ایں وکھری شانِ پئی اے
 جو گلشن منگتے سیں دے درتے آگن
 قلندر بن گنیں تھی شہنشاہِ گن
 جنہیں چوکھٹ علیؑ سیں دی ملی اے



(شانِ حُسینؑ)

اے تاں ساڈا ایمان اے، اے حُسینؑ دا جہان اے
 اے تاں ساڈا ایمان اے، اے حُسینؑ دا جہان اے
 جبریل چا کے ایندے جوڑے فلک توں آوے
 نانا رسولؐ اینکوں مونڈھے تے چا کھڈاوے
 شبیرؑ جگ دی جان اے، اے حُسینؑ دا جہان اے
 جیویں حُسینؑ آکھے رب ہے انویں کریندا
 شبیرؑ دے لبیں توں میں آپ ہاں الیندا
 مدنی ﷺ کیتا اعلان اے، اے حُسینؑ دا جہان اے
 کربل میدان دے وچ یزید کیتا شر ہا
 شبیرؑ دا توڑیں نوکِ سنا تے سر ہا
 ول وی پڑھیا قرآن اے، اے حُسینؑ دا جہان اے
 نوحؑ نے بچایا کنبہ شبیرؑ نے کوہایا
 کنبہ گوہاتے گلشن ہے دین کوں بچایا
 کیتا دین تے احسان اے، اے حُسینؑ دا جہان اے

قطعات

چندیں خلد خزینہ ڈیکھوں
 نوری نور نگینہ ڈیکھوں
 دل گلشن نہیں لگدا کہیں جاہ
 چل ہک وار مدینہ ڈیکھوں

☆☆☆☆

نبی ﷺ دا لطف کرم نرالا
 کرم وی چندا ہے سب توں اعلیٰ
 اساں نئی کہیں ڈرتوں ڈرڑاں گلشن
 اساڈا وارث ہے کملی والا

☆☆☆☆

سادات آنجھی وفا ڈتی ہے
 جو منکریں کوں دعا ڈتی ہے
 حسان گلشن پڑھی جو نعت اے
 نبی ﷺ نے کملی لہا ڈتی ہے



دنیاوی شاعری تاں ہر شاعر کر سگدے لیکن کجھ خاص لوک ہوندن جہاں تے
اللہ دی خاص رحمت ہوندی ہے، ول او حمد یا نعت شریف لکھدن، حمد تے نعت لکھن دا
انعام اللہ تعالیٰ کجھ خاص لوکیں کوں عطاء کریندے۔ یقیناً انہاں خاص لوکیں اچ بہک
ناں سیں شاہ زیب گلشن داوی ہے جیڑھے کم عمری اچ بہوں سوہنے تے نفیس لوٹیں دی
چوٹ کر تے لکھدے پن۔ انداز اتنا پیارا ہے جو پڑھن آ لے کوں وی پڑھدیں بہک
چاشنی تے سکون محسوس تھیندے۔

اللہ تعالیٰ آتے آقا پاک ﷺ دی ایس عنایت دے نال نال انہاں دی طبیعت اچ
بہوں عاجزی تے مٹھاس وی شامل ہے جیڑھی جو بہوں وڈی صفت ہے۔ لکھن واسطے
تاں ڈھیر کجھ ہے پر زیادہ ٹساڈے تے کلام دے درمیان حائل نمہی تھیون چہندا۔ شاہ زیب
گلشن سیں واسطے ڈھیر ساریاں دعائیں دے نال میکوں اجازت ڈیو۔ (اللہ دی امان)

صاحبزادہ ڈاکٹر سید شکیل احمد شاہ کاظمی